Primary 4 Scottish Poems

<u>Come Sailin'</u>

By J K Annand

Come intil my boat I'll tak ye for a sail, We'll mebbe catch a cod A mackerel or a whale, We'll mebbe catch a mermaid And we will be enthralled But I think it far mair likely We'll only catch the cauld.



<u>The Hen's Lament</u>

By Sheena Blackhall

It's nae delight tae be a hen Wi clooks an claws an caimb Reestin wi the rottans In a hen-house for a hame.

Ne sunner div I settle doon My clutch o bairns tae hatch The fairm-wife comes – a scraunin pest – She cowps me aff ma cosy nest A tarry-fingert vratch.

Jist lately, though, she's changed her tune – Ma plaitie's piled wi corn. "Sup up, ma bonnie quine," says she, "We're haein broth the morn!"



Address to the Toothache

By Robert Burns

My curse upon your venom'd stang, That shoots my tortur'd gums alang, An' thro' my <u>lug</u> gies mony a twang, Wi' gnawing vengeance, Tearing my nerves wi' bitter pang, Like racking engines!

When fevers burn, or argues freezes, Rheumatics gnaw, or colics squeezes, Our neibor's sympathy can ease us, <u>Wi'</u> pitying moan; <u>But</u> thee-thou hell o' a' diseases-Aye mocks our groan.

Adown my beard the slavers trickle I throw the <u>wee</u> stools o'er the mickle, While round the fire the <u>giglets</u> keckle, To see me loup, While, raving mad, I wish a <u>heckle</u> Were in their doup!

In a' the numerous human dools, Ill hairsts, daft bargains, <u>cutty</u> stools, Or worthy frien's rak'd <u>i'</u> the mools, -Sad sight to see! The tricks o' knaves, <u>or fash</u> o'fools, Thou bear'st the gree!

Where'er that place be priests <u>ca'</u> hell, Where a' the tones o' misery yell, <u>An'</u> ranked plagues their numbers tell, In dreadfu' raw, Thou, Toothache, surely bear'st the bell, <u>Amang</u> them a'!

O thou grim, mischief-making chiel, That gars the notes o' discord squeel, <u>Till daft</u> mankind <u>aft</u> dance a reel In gore, a shoe-thick, <u>Gie a'</u> the faes <u>o'</u> Scotland's weal A townmond's toothache!